



Universitätsbibliothek Paderborn

**R. P. Pavli Laymann è Societate I: Theologiæ Moralis
Compendiv[m] absolutissimum et in quinq[ue] libros
partitum**

Laymann, Paul

Moguntiæ

§. 1. De conciliis Oecumenicis.

urn:nbn:de:hbz:466:1-40716

particularia, Episcopi, Archiepiscopi, Legati sedis Apostolicæ, Rom. Ecclesiæ Cardinales in Ecclesijs sui tituli, Generalis Vicarius Episcopi, Prælati Ordinum, &c.

§. I.

De Conciliis non Oecumenicis.

Concilia non Oecumenica alia sunt nationalia, ¹ quæ conuocatis eiusdem Nationis Episcopis, & Archiepiscopis à primate indicunt²; Alia prouincialia, quæ ab Archiepiscopo, conuocatis episcopis, alia diœcesalia seu synodalia, quæ auctoritate Episcopi, conuocatis prælatis (etiam exemptis) & Parochis quotannis celebranda essent, iuxta concil. Trident.

Concilia non Oecumenica à Papa approbari necesse non est, dummodo nihil in ijs contra vniuersales Canones vel Ecclesiæ vniuersæ Consuetudines decernatur. 106.

§. II.

De Episcoporum Iurisdictione.

Episcoporum Ecclesiastica Iurisdictio, quo ad substantiam ex diuina institutione est, iuxta Act. 20. Posuit vos Spiritus S. Episcopos, regere Ecclesiam Dei, quo ad modum verò & ordinem institutionis, à summo Pontifice est. Ratio, quia Christus perfectam Ecclesiæ Monarchiam constituit; Ad Monarchiæ autem perfectionem pertinet, ut sub uno Monarca alijs sint in Republ. inferiores Principes (sicut in Romano Imperio post Imperatorem, Duces, Marchiones) quasi totius corporis nerui aut manus, dependentes à summo capite, quod Christus voluit propter conuenientem statum totius Ecclesiæ. 107.